



**МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ**

20<sup>20</sup> оны 10 сарын 28 өдөр

Дугаар 4/598

Алтай хот

Г Өндөржүүлсэн бэлэн байдлын үед  
аймгийн хүнс, хөдөө аж ахуйн салбарт авах  
зарим арга хэмжээний тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, 32 дугаар зүйлийн 32.7 дахь хэсэг, Гамшигаас хамгаалах тухай хуулийн 11 дүгээр зүйлийн 11.3.2 дахь заалт, Засгийн газрын “Бэлэн байдлын зэрэгт шилжүүлсэн хугацааг сунгах тухай” 2020 оны 103 дугаар тогтоол, аймгийн Засаг даргын 2019 оны А/136 дугаар захирамжийн 3 дугаар хавсралтын 4 дэх хэсэг, аймгийн Онцгой комиссын 2020 оны 23 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Аймгийн ихэнх нутгаар гантай, бэлчээрийн ургамлын ургалт муу байснаас бэлчээрийн даацыг нийт нутгаар тооцоолж гаргахад 78 хувь нь бэлчээрийн хүрэлцээгүй, Улсын Онцгой комиссын дүгнэлтээр ган зудын эрсдэлийн үнэлгээ хийхэд “Их эрсдэлтэй” гэж тогтоогдож онцгой нөхцөл байдал үүссэн тул хөдөө аж ахуйн салбарт өндөржүүлсэн бэлэн байдлын үед авах арга хэмжээг төлөвлөн хэрэгжүүлж ажиллахыг Онцгой байдлын газар (3.Баттулга), Хүнс, хөдөө аж ахуйн газар (С.Эрдэнэ-Очир), холбогдох бусад байгууллагын дарга, сумдын Засаг дарга нарт даалгасугай.

2. Сумдын удирдлагууд болон өндөржүүлсэн бэлэн байдлын үед арга хэмжээ төлөвлөн хэрэгжүүлж байгаа байгууллагын үйл ажиллагаанд хяналт тавьж, төлөвлөгөөний хэрэгжилтийг хангаж ажиллахыг аймгийн Засаг даргын орлогч (Я.Эрхэмбаяр)-д үүрэг болгосугай.

3. Өндөржүүлсэн бэлэн байдлын үед авч хэрэгжүүлэх арга хэмжээний зардлыг тухай бүр аймгийн гамшигаас хамгаалах сангаас Онцгой комиссын шийдвэрээр санхүүжүүлж, тайлагнаж ажиллахыг аймгийн Засаг даргын Тамгын газар (Ч.Бат-Эрдэнэ)-т зөвшөөрсүгэй.

4. Захирамжийн хэрэгжилтэд хяналт тавьж ажиллахыг Хөрөнгө оруулалт, хөгжлийн бодлого, төлөвлөлтийн хэлтэс (П.Баасан)-т даалгасугай.

ЗАСАГ ДАРГЫН ҮҮРЭГ  
ГҮЙЦЭТГЭГЧ

Ж.ГАНБАТ